

華蓋山三仙事實序

死而有靈之謂神長生不死之謂仙道不同也神往往能禦災
患莩生民仙志在修鍊飛升而已鮮有推德以及人者惟華蓋
三仙則不然禱雨雨應禱疾疾瘳求嗣而得嗣求藥而得藥四
方之人蒙福者眾此所以羣然傾心而起敬也歟觀如顏魯公碑
載本末甚詳但稱晉元康三年二月一日二仙上升攷之晉史
無所謂元康有永康而已豈公筆誤邪因識其疑以誌知者景
定辛酉九月朔崇禧散吏約山朱煥敬書

道藏輯要

三仙事實

三

翼集六
X111